

Jangan ulangi pembelian panik

KPDNHEP ingatkan orang ramai tidak membeli topeng muka dengan banyak hingga kehabisan bekalan semula

Oleh NORHASPIDA YATIM

KUALA TERENGGANU

Orang ramai diingatkan supaya tidak mengulangi pembelian panik apabila stok baharu topeng muka berada di pasaran dalam tempoh terdekat.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Terengganu, Saharuddin Mohd Kia berkata, bekalan baharu yang tiba itu diharapkan mendapat kawalan sendiri daripada peniaga dan pengguna.



SAHARUDDIN

promi.

"Masing-masing perlu ada rasa tanggungjawab dan tidak mementingkan diri sendiri dengan tidak membuat pembelian panik terhadap barangan keperluan itu," katanya ketika dihubungi di sini semalam.

Beliau berkata, peniaga juga diingatkan untuk tidak meng-

ambil kesempatan dalam keadaan permintaan yang tinggi. "Terdapat topeng muka yang telah dikenakan harga kawalan. Jika melebihi harga kawalan dalam tempoh penularan wabak koronavirus (Covid-19) kita tidak akan berkompromi.

"Tindakan akan dikenakan di bawah Akta Kawalan Harga dan Anti Pencatutan 2011 terhadap mana-mana peniaga yang mengambil kesempatan," katanya.

Dalam pada itu, Mohd Saharuddin turut menasihati masyarakat supaya memberi pene-



Notis ditampal di sebuah premis di Kuala Terengganu mengenai mengenal bekalan topeng muka dan cecair pembasmi kuman yang kehabisan bekalan.

kanan terhadap aspek kesihatan diri dan *social distances* (jarak). "Topeng muka sepatutnya dipakai oleh mereka yang ber-gejala. Sekiranya tiada ambil langkah penjagaan, selesaikan segera urusan penting di luar dan terus kembali ke rumah. "Jika tiada keperluan, perlu berada di rumah," kata beliau.